
SIARAN BERITA

MyCC TELAH MENERIMA BAYARAN DENDA YANG DIKENAKAN KEPADA PENGELUAR-PENGELUAR AIS

KUALA LUMPUR, 6^{hb} Mac 2015 – Suruhanjaya Persaingan Malaysia (MyCC) telah mengeluarkan Keputusan terhadap dua puluh lima (25) pengeluar ais yang bersetuju untuk menaikkan harga ais tiub yang boleh dimakan sebanyak RM0.50 setiap beg dan harga blok ais sebanyak RM2.50 setiap blok besar dari 1 Januari 2014. Perusahaan-perusahaan yang didapati telah melanggar Seksyen 4(2)(a) Akta Persaingan 2010 ('Akta') dengan menyertai perjanjian yang mempunyai penetapan secara langsung atau tidak langsung, harga jualan tiub ais yang boleh dimakan dan blok ais di Kuala Lumpur, Selangor dan Putrajaya. Penalti kewangan yang dikenakan adalah di antara RM1,200 hingga RM106,000 dan semua 25 syarikat telah membayar penalti kewangan tersebut.

Menurut Ketua Pegawai Eksekutif MyCC, Dr Mohd Khalid Bin Abdul Samad, penetapan harga adalah satu kebimbangan utama MyCC sebagai sekatan persaingan yang jelas dalam kes penetapan harga. "Adalah penting untuk menghantar isyarat kepada komuniti perniagaan termasuk PKS untuk tidak terlibat dengan perlakuan-perlakuan seperti yang terkandung dalam kes ini, dan MyCC berpendirian kukuh mengenai keseriusan pelanggaran seperti itu" tambah beliau.

Dalam menentukan tahap penalti kewangan yang dikenakan, MyCC mengambil kira antara lainnya, keseriusan pelanggaran, tempoh pelanggaran, dan perolehan perusahaan dalam tempoh pelanggaran.

Terdapat 25 perusahaan yang telah melanggar Akta. Perusahaan yang telah dikenakan

penalti adalah, AE Ice Sdn. Bhd., Ais Ceria Trading, Ais Everest Sdn. Bhd., Atlas Edible Ice Sdn. Bhd., BNI Sdn. Bhd., Everest Aisvaram Sdn. Bhd., Fui Wah Enterprise Sdn. Bhd., Jade Tube Ice Manufacturing Sdn. Bhd., KS Trading, S.P. Edible Ice Sdn. Bhd., I-Bing Tube Ice Sdn. Bhd., Kajang Crystal Ice Sdn. Bhd. dan Chuan Heng Trading (Kajang) Sdn. Bhd. (secara kolektif), KFI Coldstorage Sdn Bhd., Pasific Tube Ice Sdn. Bhd., Shukor Sakam Ais Rintik-Rintik Sdn.Bhd., Perfect Tube Ice Sdn. Bhd., SJ Ice Sdn Bhd, Sunflower Heritage Sdn Bhd., Twilight Tube Ice Sdn Bhd, Thien Nam Sdn. Bhd., Ocean Land Sdn.Bhd., Citi Ais Marketing, Dynamic Tube Ice (Nisar & Sons Sdn.Bhd.) serta Wai Mah Trading.

Notis bagi Keputusan telah dimuatnaik ke dalam laman web MyCC. Untuk maklumat lanjut mengenai kes atau MyCC dan Akta Persaingan 2010, layari www.mycc.gov.my.

---tamat---

Untuk pertanyaan media, sila hubungi:

Anis Syafiq, Tel +603 2273 2277 (ext 212), Email: anis@mycc.gov.my

Unit Komunikasi Korporat

Suruhanjaya Persaingan Malaysia (MyCC)

NOTA PENGARANG:

1.) Butiran mengenai **Sekysen 4(2)(a)** Akta Persaingan 2010: *Perjanjian mendatar dan menegak yang dilarang adalah seperti berikut:

4. (1) Suatu perjanjian mendatar atau menegak antara perusahaan adalah dilarang setakat yang perjanjian itu mempunyai matlamat atau kesan menghalang, menyekat atau mengganggu persaingan secara signifikan dalam apa-apa pasaran bagi barangan atau perkhidmatan.

(2) Tanpa menjejaskan keluasan subseksyen (1), suatu perjanjian mendatar antara perusahaan yang mempunyai matlamat untuk—

(a) menetapkan, secara langsung atau tidak langsung, suatu harga belian atau jualan atau apa-apa syarat perdagangan yang lain;

-
- (b) berkongsi pasaran atau punca bekalan;
 - (c) membataskan atau mengawal—
 - (i) pengeluaran;
 - (ii) saluran keluar pasaran atau capaian pasaran;
 - (iii) pembangunan teknikal atau teknologi; atau
 - (iv) pelaburan; atau
 - (d) melakukan tipuan bida, adalah disifatkan mempunyai matlamat atau kesan menghalang, menyekat atau mengganggu persaingan secara signifikan dalam apa-apa pasaran bagi barangan atau perkhidmatan.
- *“Perjanjian mendatar” ertinya suatu perjanjian antara perusahaan yang setiapnya beroperasi pada peringkat yang sama dalam rangkaian pengeluaran atau pengedaran; “Perjanjian menegak” ertinya suatu perjanjian antara perusahaan yang setiapnya beroperasi pada peringkat yang berlainan dalam rangkaian pengeluaran atau pengedaran.

2.) Butiran mengenai **Sekysen 40(1) dan 40(4)** Akta Persaingan 2010: Dapatan pelanggaran

40. (1) Jika Suruhanjaya memutuskan bahawa terdapat suatu pelanggaran suatu larangan di bawah Bahagian II, ia—
- (a) hendaklah menghendaki pelanggaran itu dihentikan serta- merta;
 - (b) boleh menyatakan langkah-langkah dikehendaki supaya perlu diambil oleh perusahaan yang melanggar, yang pada hemat Suruhanjaya adalah sesuai bagi menghentikan pelanggaran itu;
 - (c) boleh mengenakan penalti kewangan; atau
 - (d) boleh memberikan apa-apa arahan lain yang difikirkannya sesuai.
- (4) Suatu penalti kewangan tidak boleh melebihi sepuluh peratus daripada pusing ganti seluruh dunia suatu perusahaan sepanjang tempoh suatu pelanggaran berlaku.

Suruhanjaya Persaingan Malaysia (MyCC)

Ditubuhkan pada Jun 2011, MyCC ialah satu badan bebas bertanggungjawab untuk menguatkuasakan Akta Persaingan 2010, yang dilaksanakan untuk menggalakkan persaingan sihat yang seterusnya akan merangsang produktiviti dan inovasi, lantas



mewujudkan pilihan produk atau servis yang lebih banyak kepada pengguna dan kualiti yang lebih baik pada harga yang berpatutan.

Akta ini digunapakai kepada semua aktiviti komersil yang ditanggung didalam dan diluar Malaysia yang boleh menjejaskan persaingan di pasaran Malaysia. Ia memberikan satu rangka kerja kawal termasuk kuasa menyiasat, menghakimi dan mengenakan penalti-penalti kepada pesalah undang-undang persaingan.

Untuk maklumat lanjut tentang Akta dan MyCC, sila rujuk laman web www.mycc.gov.my.